

## Realtât

Un brâf e onest lavoradôr, cjatansi simpri plui sfracajât des tassis e dal cressi continuo dal cost de vite, si visà che nol podeve plui mantignì la sô famee e mandà a scuele i fruts. Par chist al pensà di mandà al sorestants un aument de pae, tingint cont ancje che lui al faseve tantis oris in plui cence mandà mai un franc di plui.

Il sorestant al veve simpri stimât e laudât che brâf lavoradôr, pe sô braure e serietât ch'al doprave tal so lavôr, tant che in ogni occasion, lu mostrave come esempi di copià.

## *Poesie e Racconti Friulani*

Il bon sentiment dal so restant (tirât, avâr e bausâr cence limit), al gambiâ di colp umôr, cuanch'al sinti a domondâ un aument di pae dal so dipendent, ritignint chest un vêr afront.

Lât su dutis lis furiis j rispuindé cun fa rogant: "Cumò ti mostri jò s'al è vêr che tù ti lavoris tant". Cjoltte sù pene e cjarte, si metè a scrivi disint: "Un an conte 365 'zornadis, tù però tu duarmis vot oris in dì: a conts fats a son 122 'zornadis. Altris vot oris tu lis às pa fa i toi fats e 'a son pari ad altris 122 'zornadis, che mitudis dongje 'a fasin 244 'zornadis: an restin 121.

## *Poesie e Racconti Friulani*

Jo ti doi miezore ogni dì par che tu fasis la gulizion; 'a son altris cuindis dîs: a'ndi restin 106. La Domenie no tu lavoris: 'a son 52 e cussì a'ndi restin 54 'zornadis. Ten present che la Sabide tu às miege 'zornade di ripôs: cun chest si contin 26 dîs. Mi risulte che tu fasis cuindis dîs di feriis e ancje une setemane, pôc su pôc jù, di malatie. Podopo il prin dal An, Nadâl, Epifanie, Pasche, i Sants, La Madone d'Avost, il prin di Maj e vie disint, dutis 'zornadis che tù no tu lavoris, ancjemò tù tu mi domandis un augment di pae? Tu sês tù che tu as di dâmi i bêzs a mi!"